
Impfen maakt dat Knippke full

IN D' LUUR

Holger Janssen

redaktion@on-online.de



Dat is gediegen mit dat Impfen: Eerst weer van dat Tüüg haast nix to kriegen, un nu word mennig Dokter dat nich mehr los. Tominnst, wenn dat um dat Middel van Astrazeneca geiht. In Moordörp gifft tokomend Dingsdag een „Sonderimpftag“. Elk un een, de sük darföör en Termin haalt hett, kann sük denn een Sprütz geven laten. Nu gifft dat abers ok Lüü, de mit de hele Impferee gar nix to doon hebben willen. Nu word diskuteert, wo se disse Lüü ok noch an d' Nadel kriegen. Een Idee is, disse Minsken bit hento 500 Euro in d' Hand to drücken, wenn se sük impfen laten. Ik bün gespannt, wennehr wie dat erste Maal van Minsken hören, de sük deswegen tein, twalf oder fievtein Mall impfen laten hebben – un wo 'd de dann geiht.
